

# ЛЕНИН ТУЙ ВYЛЭТ

(По ленинскому пути)

ВКП(б)  
Окружкомлэн  
ВКП(б)  
Кудымкарскэй  
Райкомлэн да  
Окрисполкомлэн  
орган

## Ена-жэ лунн'езэ завершитны уборка

Коми-Пермяцкэй округись колхоз'езэ завершитны уборка. Талун ми публикуйтам сводка. Сентябрь 10 лун кежэ округ пасьта сю вундэм 128839 гектар выльсь—95,9 процентов быдэс уборочнэй площадись. Юсьвинскэй районись колхоз'езэ завершитисэ вундэм. Матынэсь завершитны уборка Кочевскэй район, кэда вундис 97,8 процент да Кудымкарскэй—97,2 процент.

Юсьвинскэй районись колхозниккез бура уджалісь, не умалэ мыччалісь быдэс район'езлэ, кызд колэ пессьыны урожай дзимлялэмын дженыт сроккез понда, урожай сохранилэм понда, зажиточнэй да культурнэй олан понда.

1938 годэ уборка мунэ значительно организованнэй да буржык качеством, чем одзагодд'езэ, но этэн, конечно успокаивайтчыны оз ков немьда. Быдэс уборка ешэ абу завершитэм. Одзлань ешэ уна ем удж. Округ пасьта вундэ-тэм сюнс ешэ 5 тысяч гектар мында, 20 тысяч гектар мында шоромезэ т'етэм сю, вундэм площадез выльсь ешэ не быдэс куртамэсь сю шепез, ешэ не быдэс колхоз'езись председателлэз примитисэ уборка бэрын площадез, кызд требуйтэ советскэй правительство.

Коммунистическэй партия да советскэй правительство социалистическэй сельскэй хозяйстволэ уделяйтэны исключительнэй вниманнэ. Миян округ имейтэ первокласснэй машиназ. Югись знатнэй комбайнеррез, кэдня отличнэй кончитисэ уборка асланыс областезын таво вэлі индэмась миян округэ мыччавны ассиныс опыт, отсавны миян комбайнеррезлэ овладейтны техникаэн. Сожаейтэмэн, колэ оттитны, што миян округись земельнэй органн'ез, МТС-езись руководителлэз замечательнэй комбайнеррезлэ, прекраснэй организаторрезлэ эзэ керэ уджын быдэс колана условияз. Асланыс начинаннэ езын умалэ поддержка пантелісэ югись комбайнеррез Косинскэй да Кочевскэй МТС-езын, кэдна отвратительнэй исползуйтэны комбайновэй парк, эзэ кужэ югись комбайнеррезлісь босьны быдэс опыт. Сійэн и Косинскэй МТС (директор Чос) урожай дзимлялан плансэ тыртис токо 35 процент вылэ (район пасьта уборка плачыс тыртэм 95,5 процент вылэ), Кочевскэй МТС урожай дзимлялан плансэ тыртис токо 40,8 процент вылэ.

Уборка чүлэтикэ колхознэй деревняны быдмисэ стахановецез да стахановкаез. Партийнэй, советскэй организацияез, земельнэй органн'ез обязанэсь не л'еданы стахановскэй движенисэ самотек вылэ, а развивайтны сійэ одзлань. Ешэ буржык сувтэтны колхозниккез коласын партийно-массовэй удж, охватитны сійэн социалистическэй деревняныс быдэс уджаліссезэс. Правильнэй сочетайтны политическэй удж х'зйственнэй задачаезкэт—с'етшэм первейшэй обязанность округись быдэс партийнэй организацияезлэн, ВКП(б) райкомезлэн да первичнэй парт-организацияезлэн. Оз позь немьда почитны лавраез вылын. Ибо кытчэдз существуйтэ капиталистическэй окруженнэ, капиталистическэй государствоз пондасэ иньдавын татчэ шпионн'езэс да диверсантт'езэс. Небыдэс ешэ уничтожитэмась врагезыс, кэдна пондасэ всяческэй старайтчыны навредитны с'етчин, кытэн слабэй революционнэй бдительность, кытэн абу сувтэтэм партийно-массовэй удж.

Миян округын ешэ не быдэс нагружитэмась вартан машинаез, сю вартан темпез учэтэсь, не быдэс дзимлялэмась клевернэй семенниккез, отсутствуйтэ силосованнэ план тыртэм понда пессьэм. Умалэ уджалэ заготзерно система. Кызд, например, оценивайтны сійэ фактсэ, кэр Юсьвинскэй районын энэдз эзэ организуйтэ няньпоставкаез сідз, кызд требуйтэ большевиктскэй партия да советскэй правительство. Быдса безхозяйственность да расхлябанность заготзерно Кочевскэй пунктын. Самэй Кудымкарын Юринскэй пункт находитчэ антисанитарнэй состояннэын. Естэн озэ заботитчэ противоожарнэй мероприятияез понда. Кытшэм токо ёг абу складд'ез гэгэр да склад ограда гэгэр.

Этлаын отличнэй уборка завершитэм понда пессьэмкэт колэ заботитчыны и мэдик годсы урожай понда. Зябь увтэ гаран да нагём кыскалан удж округын развертывайтчэ жагена.

Сельскохозяйственнэй год отличнэй завершитэм понда колэ мобилизуйтны быдэс вын. Немьда оз позь терпитны самоуспкоенность, кэда ем энэ мукэд местазын сысянь, што вундыны кольчыс не эддён уна. Емэсь быдэс условияез ена-жэ лунн'езэ отличнэй завершитны уборка.

## Комсомолецез— активист'ез мунэны армияз

Кочевскэй районись Б-Кочинскэй сельсоветын 1938 годын январь месяцын организуйтчис первичнэй комсомольскэй организация, кытэн вэлісэ токо 4 морт. Энэ ета первичнэй комсомольскэй организацияын 22 морт и бэрийэм комитет, кытчэ секретарэн бэрийсэ Никоновэс.

Комсомольскэй группись медбур комсомолецэс активистэс Балувэс рекомендуйтисэ уджавны районнэй газетаны „Колхозникин“ корректорэн, кытэн энэ и уджалэ. Куим медбур народлэн зонн'ез комсомолецез мунисэ Краснэй армия рядд'езэ дорйыны миянлысь священнэй да неприкосновеннэй границаез.

Вагин

Серго Орджоникидзе нима Уральскэй тяжелэй машиностроительнэй заводлэ присудитэм Наркоматлэн да профсоюз'ез ЦК-лэн переходящэй краснэй знамя. Завод освоитис виль сложнэй машинаез производитэм и первейся полугодиелись план тыртис валовэй продукция сьэрти 115% вылэ, товэрнэй сьэрти 110% вылэ.



Снимок вылын: стахановецез—слесаррез—ремонт сьэрти бригадиррез М. П. Гордеев да Д. П. Шутов, кэдна тыртэны нормаез 2—3-ся унажыкэн. Фото Н. Крыловлэн (Союзфото) „Прессклише“.

## СССР Наркомземын

### Шоферрезлэ-колхозниккезлэ вештэм йылісь

Быдэс автомашинаез исползуйтэм целлэз понда, СССР-лэн Наркомзем рекомендуйтэ колхоз'езын сувтэтны лунся норма выработкаез тонно-километразын да труд-оплата шоферрезлэ-колхозниккезлэ вештыны уджлунн'езэн.

„ГАЗ-АА“ автомашинаез понда Наркомземэн рекомендуйтэмась с'етшэм примернэй выработка нормаез: 5 километра расстояннэын норма 45 тонно-километра 0,057 уджлун, 10 километр расстояннэын норма 70, оценка 0,037 уджлун, 20 километр расстояннэын норма 90, оценка 0,029 уджлун, 30 километр расстояннэын норма 100, оценка 0,026, 40 километр унажык расстояннэын норма 105 тонно-километр, оценка 0,025 уджлун.

„ЗИС 5“ автомашина понда рекомендуйтэмась с'етшэм примернэй выработка нормаез: 5 километра расстояннэын норма 80 тонно-километр, оценка 0,037 уджлун, 1 тонно-километр понда 10 километр расстояннэын норма 130, оценка 0,023, 20 километр расстояннэын норма 170, оценка 0,018, 30 километр расстояннэын норма 200, оценка 0,016, 40 километр и унажык расстояннэын норма 210, оценка 0,015 уджлун.

Быд тонно-километр, кэля керэм сверх установитэм лунся нормасы, сетэм условиязын, кызд автомашина бур состояннэын, рекомендуйтчэ вештыны шофер-колхозниккэ доплатнительно основнэй расценкаэ премия-надбавка 50

процент шедтэм с'етшэн уджлунн'езись.

Горючэй да резина экономитэм понда рекомендуйтчэ вештыны деньгаэн мында сулалэ экономитэм материалыс.

Горючэй перерасход понда рекомендуйтчэ удерживайтны шофер-колхозниксынь деньгаэн полтораись унажык, мында сулалэ ета перерасходованнэй горючэй. Простойез понда не кытшэм начисленнэез оз керсэ.

СССР Наркомзем предложитис республикаезись Земледелие наркоматт'езлэ, крайземотделл'езлэ да облземотделл'езлэ уточнитны рекомендованнэй нормаезсэ местнэй условиязын применитэмэн.

## СССР ПАСЬТА

Ереванскэй городскэй совет постановленнэ сьэрти Ереван городын, Ленин нима площадь вылын, лоас керэм монументальнэй памятник великэй генийлэ Владимир Ильич Ленинлэ. Вылынана памятник лоас 18—20 метра вылына. Ленгилэн фигура лоас кысьтэм бронзись, пьедестал керэм гранитись да чочком мраморись.

Памятник проект разработка вылэ объявитэм всесоюзнэй конкурс. Конкурс'езлэн условияз ыстэмась архитекторрезлэ Москваз, Ленинградэ, Киева, Харьковэ, Ростова, Тбилисиз, Бакуэ и мэдик городд'езэ. Сувтэтэмась вит премия первейся—18.000 руб, мэдик 12.000 руб, куймэт—5000 руб. Создалитэм конкурслэн жури СССР Верховнэй Советлэн депутат Ереванскэй горсоветись председатель Левон Осипян председательство увтэн.

Красноярск. Богатэй урожай босьтэ колхоз „Красноярский рабочий“, Емельяновскэй районись. 50 гектар выльсь шогдэ сетэ 30 центнерэн. Быдэс посевыс вэлі 964 гектар—колхоз шэрэтэся урожай гектар выльсь босьтис 20 центнерэн. Таза колхозниккез

эта колхозись полчитасэ уджлун вылэ 16 килограммэн.

\* \* \*

Ординскэй МТС-ись комбайнер ёрт Честиков Д. А. босьтис обязательство сталин комбайн вылын убирайтны не йетшажык 700 гася. Ассис обязательствосэ с'я тыртэ большевиктскэй. Ёрт Честиков дзимлялэ луннас 25—28 гаэн, дзимляліс 500 га.

Сентябрь 11—12 лунэ Олеса городын чулаліс обороналэн Государственнэй внутренинэй заём сьэрти куймэт выигрышнэй тираж. Тиражын разыграйтэм 265 тысяч, выигрышшез 43.703.800 руб. вылэ.



Сентябрь 10 лун кежэ округ пасьта вундэм 128839 гектар вылись—95,9 процент.  
Комбайн'езэн урожай дзимлялэм 15761 гектар вылись, комбайновэй уборка план тыртэм 53,4 процент вылэ.

Округ пасьта шороммезэ сю т'ечэм 60023 гектар вылись, вартэм—48714 гектар вылись.

### ОКРЗОЛЭН СВОДКА

Коми-Пермяцкэй округись колхоз'езын урожай дзимлялэм йылись сентябрь 10 лун кежэ

Район'ез	Быдэс вундэм сюэс гектар вылись	Вундэм процент	Дзимлялэм комбайн'езэн гектар	Тыртэм комбайновэй уборка план процент вылэ	Течем шороммезэ гектар вылись	Вартэм гектар вылись
Кудымкарскэй	54206	97,2	6487	52,3	26352	13193
Юсьвинскэй	24201	100	4246	61,5	10617	8583
Юрлинскэй	21191	91,1	3071	60,2	8310	9534
Кочевскэй	13911	97,8	1307	40,8	6401	3590
Косинскэй	7699	95,5	700	35	4589	2201
Ганскэй	6300	85,7	—	—	3050	1000
Горсовет	1233	98,4	—	—	700	500
Округ пасьта	128839	95,9	15761	53,4	60023	48714

### Крепитны кадррезэн колхознэй фермаез

Социалистическэй пода вэдитап дело эддён ответственной дело. Колхознэй фермаезэс достойнэй кадррезэн комплектуйтэм должен являйтчыны животноводствоын медодзза задачаэн, ибо кадррезянь зависитэ быдэс.

Не весь народлэн врагез старайтчисэ социалистическэй животноводстволэ керны удар организационнэй сторонасянь. Народлэн врагез керлисэ сідз, медбы колхознэй фермаезын ез вэлэ постояннэй кадррез, ния распространяйтисэ распушенность, расхлябанность да обезличка, меп айтисэ стахачовскэй движённелэ.

Фермаэн заведующэйи ме уджала 1937 годсянь июнь 15 лунсянь. Эта вотаэд фермаын орудуйтисэ народлэн врагезлэн последышшез, кэдня угробитисэ 30 мез, вина вылэ вузалэмась 12 додь турун. Фермаын вредитны способствуйтис ветфельдшер З. када вредительскэй „лечитис“ шогались подасэ. Колхозис вэлэм председател Гага-

рин ме вылэ организуйтис нападеннээ, не этпыр вартлисэ, мэдисэ менэ вийны.

Ез удайтчы врагезлэ керны ассиныс лэк умыселлэсэ. Ме фермасис подасэ примити заморенэйэ, том подасы унажыкыс шогались. Ме с'ек-жэ кутчи фермаын бурмэтны удж. Сийэн и вэлисэ ме вылэ нападеннээ.

Эта бэрын значительнэй содис подалэн поголовье. Токо МТФ-ын таво быдтм 34 кукань, СТФ-ын—103 порсыпая. Баляз вэлисэ 24, эн—70. Фермаын быдэс порсез племеннэйэс, 41 порсыпаян сетимэ колхозниккезлэ. Мукэд свиноматкаезыс циялисэ таво кыкысь ни. Таво ми сувтэтим задача—быд свиноматкасянь получитны не йетшажык 16—20 порсыпаяс, а мукэд маткаезянь получитам не йетшажык 25 порсыпаяс. Йипоставка план тыртм 100 процент вылэ, йизакупэ сетим 2 центнер. Йизаготовкэ план тыртам ена-жэ лунн'езэ.

### Быдэс платежжез вештыны октябрьскэй торжествоезэдз

Самковскэй сельсоветис Араповскэй колхозын быдэс колхозниккез охватитэмэс заем вылэ гижшэмэн. Мукэд колхозниккез заем понда взносс'ез вештисэ 100 процент вылэ.

Август 27 лунэ колхозын чулалис собраннэ, кытэн проработайтисэ „Труженик“ колхозлисэ вызов, кэдийэ единогласнэя примитисэ колхозниккез. Обязитчисэ октябрьскэй торжество кежэ быдэс платежжез вештыны 100 процент вылэ.

Караваяв

Эни сулала задача, буржыка лэсэйтчыны тэв кежэ, медбы крепитны успехэс да завойтны виль победаез. Колэ готовитны подалэ помещеннээ, загсготовитны вердчан да крепитны фермаезэс постояннэй бригада, велэтны вийэ буржыка уджавны.

Адзисыяны и энэ мукэд морт'ез, кэдналэ не душа сьэрти социалистическэй животноводствоисэ улжалисезлэн уджыс. Неважык мян колхозын Гагарин С. И., Гагарин М. А. да Гагарин А. И. оскорбительнэй видисэ скотница дояркаезэс да свинаркаезэс.

Миян задача—вылэжык л'ебтыны революционнэй бдительность, разоблачитны сакэйэс, кин попытайтчас ослабитны удж. Колэ буржыка крепитны колхознэй фермаез.

Кочевскэй районис Б-Тальниковскэй сельсоветис Колос нима колхозис фермаэн заведующэй Н. С. Гагарин

### Деминскэй школа абу обеспечитэм учебниккезэн

Кочевскэй районис Деминскэй школын велэтны пондисэ сентябрь 1 лунсянь. Школын учебниккез абуэс, тетраддэз сідз-жэ. 3-эт класс понда токо этік книга естествознавнэ предмет сьэрти. Быдэс класс'езын велэтчэны газетаез да журналл'ез сьэрти. Кочевскэй ронолэн заведующэйэс ёрт Бушуевэс сз интересуйтэта вопросыс.

Ш. А.

### Рубеж сайын

### Военнэй действияез Китайын

Центральнэй Китайын Янцзы ю фронт вылын японскэй войскаез атакуйтаны китайскэй позицияез, кэдня расположитэмась Жуичанся северо-западлавынжык. Сентябрь 7-эт лунэ интенсивнэй артиллерийскэй подготовка да воздухсянь бомбардировка бэрын вылэ удайтчис орэты китайскэй обороналисэ линия да босыны Хамадун (Жуичанся северо-западлавынжык).

Эта-жэ лунэ японскэй войскаез керисэ атака китайскэй позицияез вылэ, кэдна расположитэмась Махулин станциясы 6 клм. асывланынжык. Бой бэрын японцедез вынужденэйэс вэлисэ мунны и кольны 180 морт вийэммезэн да раненэйэс. Китаецдез босытисэ 2 пулемёт да дасе'ез винтовкаез.

Нанькан (Синьцзы) секторын переменнэй успехэн продолжайтчыны бойез.

Сентябрь 7-эт лунэ Янцзы ю фронт вылын лоис эддён интереснэй случай. Эта лунэ 6 японскэй самолёт, кэдна вештисэ японскэй часттезлисэ отход, ошибка сьэрти чапкисэ уна бомбаез японскэй отряд вылэ. Кэр китайскэй часттез босытисэ участок, вэли обнаружитэм японскэй солдатт'езлэн 60 труп, кэдна вийэмась бомбаезэн.

Янцзы ю ойланысь берег вылын японцедез развивайтэны наступленнэ китайскэй войскаез фланггез вылын. Японскэй войскаезлэн основнэй силаез вешшэны Хуанмэй, Гуанцзы направленнэны, а сідз-жэ

Люань да Гуши направленнэны.

Сентябрь 7-эт лунэ китайскэй береговэй артиллерия пэдитс Янцзы ю вылын 2 японскэй военнэй судноез. Мэдик 2 военнэй судноез эддён поврежденнэйэс.

### Севернэй Китайын

Хэнань провинциясы северо-западнэй частыны китайскэй войскаез вештисэ японцедезэс Вэнсянь городисэ. Этлаын етакэт китайскэй войскаез пуксэтыны японскэй гарнизон Кайфынын.

Шаньси провинциясыс лунланысь частыны медбэр'я лунн'езэс ыджыт переменаез эзэ вэлэ. Ыджыт активность естан проявляйтэны китайскэй партизанн'ез.

8-эт армиясыс штаб сведеннээс сьэрти, Хо Луна дивизиялэн отряд вуджис Бэйпин-Суйюаньскэй карттуй, Цуйсуйся асывланынжык, и пырис бойэ японскэй кавалерийскэй отрядкэт. Японцедез отступитисэ, ыджыт потеряез нуэтикэ. Ашынас эта-жэ отрядыс атакуйтис японскэй гарнизон 800 морт численностьын, кэдна расположитэмась Таолинь городын (Гуйсуйся северо-востокланынжык).

Ойся бой коста японскэй гарнизон, пожалуй, быдсэн уничтожитэм. Токо японскэй солдатт'ез не ыджыт группалэ удайтчис спасайтчыны пышшэмэн. Китаецдез босытисэ пленнэйэсэс 100 мортэс унажык да винтовкаез 200-сы унажык.

### Испания фронт'ез вылын

#### Восточнэй фронт

Испанскэй оборона министрестволэн официалнэй сводкаын сообщайтчэ, што сентябрь 8-эт лунэ мятежниккезлэн пехота возобновитис Гандес секторын ожесточеннэй атакэс. Этна атакаезлэ предшествуйтис артиллерийскэй подготовка, кэдаын примитисэ участие итальянскэй батареяз.

Сиерра да Кальбас районын республиканскэй часттез продолжайтэны оказывайтны мятежниккезлэ упорнэй сопротивленнэ. Республиканцедез не токо видзисэ мятежниккезлисэ натиск, но и босытисэ высотаез коласисэ этікэ. Мятежниккез нуэтикэ ыджыт потеряез вийэммезэн да раненэйэс.

Сентябрь 7-эт лунэ республиканскэй авиация воздушнэй бойын жугдис кум германскэй „Мессершмидт“ самолёт и ез нуэт некытшэм потеряез.

Пленнэйэс кыввез сьэрти, кэдна босытамась республиканцедезэн, потеря-

ез, кэдне нуэтикэ мятежниккез бойезын, кэдна чулалисэ медбэр'я лунн'езэ, эддён ыджытэс.

#### Центральнэй фронт

Карабанчель да Вильяверде секторын поткэтэмась кык мина. Взрыв керис ыджыт разрушеннээс мятежниккез позицияезлэ.


Мэдик фронт'ез вылын положеннэ переменаезтэг.

\* \* \*

Эспань агенство сообщеннэ сьэрти, сентябрь 7-эт лунэ рытнас фашистскэй гидроплан пытайтчис бомбардируйтны Валькарка городок, кэда расположитэм Каталония южнэй побережье вылын. Республиканскэй зенитнэй батареяз осьтисэ би, тшэктисэ фашистскэй гидропланлэ пышшыны. Сёрэнжык эта самолётэс локтис бэр да чапкис разрывнэй да зажигательнэй бомбаез 30-сянь 40-эдз, кэдна усисэ морез, ез керэ некытшэм вред.

Врид. отв. редактора Е. Ф. Мехоношин

### Московскэй областись городд'езэт



Снимок вылын: Ногинскын № 2 шэрэт школалэн аданнэ.

Рисунок Федосеевлэн (Союзфото) „Прессклише“.

Кудымкарская тип. Окргосиздата